


DS
793
S32 L446
1773
v.5

續

冊	5
卷	1



續修縣志序

古者行人所經凡疆域之夷險民俗之
媾惡政治之得失必各輯一書獻諸朝
廷以備顧問宋神宗時有常州守奉召
至京問以錫山去郡遠近茫無以對神
宗謂其人不足為政朱子以名世大儒
歷官所至常喜問其志書識者謂其知

治體志乘所關不綦重哉臨晉舊志自
乾隆三十八年前大令王竹崖先生修
輯迄今已百有七載天時人事迭更屢
變從未有起而輯之者邑之人抱殘守
缺悵然於修廢之無期冀上焉者有以
作其先斯下焉者可以趨其事乃或諉
於歲時之不易也或諉於秉筆之難其

人也曰將有待也嗚乎年復一年久之
又久茫茫墜緒漸就淪湮欲待後之人
網羅蒐討編輯成帙不愈難乎戊寅秋
鏡漪艾侯由洪洞調任來臨甫下車即
留心民事問縣志之有無購舊本而裝
潢之以為百餘年之記載尚缺如也非
守土者之責歟會凶荒甫脫經理善後

事宜未遑暇及逾年政通時和百廢俱
舉適大府擬修通志檄飭各州縣一律
遵辦侯殆先得乎其心焉特以是役屬
之濟欲令總司其成濟譎陋荒疎何敢
當茲鉅任然亦未敢重違其意願居於
贊襄之末如游夏之侍修春秋得與其
事焉足矣爰集同人廣為採訪或得諸

耳聞或得諸目見分類兼收各具節略
侯於簿書之餘詳加考核計其去取謂
志與史不同志特史之一體耳毋文飾
毋附會毋遺漏毋支冗檢查舊志殘者
補之缺者續之乾隆三十八年以後之
事蹟逐類而新增之名曰續志與舊志
合為一部閱三月而歲事繼自今沿波

討源得所藉手不至致歎於杞宋之無
徵是侯之嘉惠於吾邑者為何如也然
而侯之志不但已也侯之急急於纂述
非徒侈文辭應故事也田賦戶口人才
諸大端按籍而稽既歷歷如繪其次第
節目必將舉而措之見諸實政矣然則
侯之意即紫陽夫子之意豈可與常州

守同日而共語也哉庚辰三月中浣邑
人姚東濟識

昌言集卷八

余

口

三

續修縣志姓名

纂修

知臨晉縣事

艾紹濂

鏡漪甲辰副榜
山東濟南人

署理臨晉縣知縣

吳曾榮

沛生辛酉拔貢
直隸霸縣人

協修

刑部員外郎

姚東濟

沅溪庚申進士
本邑人

監修

臨晉縣教諭

梁卓午

炳南戊午舉人
大同府廣靈縣

總理

議敘同知銜

范得鯤鵬搏主子舉人
本邑人

採訪

即用知縣

王化光子熙庚辰
進士邑人

邑人

薛星燦雲亭已
西舉人

邑人

薛士焜玉田壬申
恩貢

邑人

王鳴皋鶴汀壬
子舉人

邑人

朱佩珩楚白乙亥
恩貢

邑人

荆山玉韞輝戊
辰歲貢

邑人

張廷璧完卿丙
子舉人

邑

人

張乘槎

仙舫已卯歲貢

邑

人

許上林

桂一丙子舉人

邑

人

王清化

雨時附貢

編次

邑

人

王佐才

列三增生

邑

人

杜若洲

子芳甲戌歲貢就職訓導

邑

人

荆樹花

萼階庚辰歲貢

校錄

邑

人

薛秉禮

儀齋貢生

邑

人

吉星耀

子光生員議叙六品銜

邑

人

呂元音

子聲生員

邑

人

李傳堯

勲堂癸酉拔貢

續修臨晉縣志目錄

第一卷

疆域

風俗

城池

壇廟

倉儲

廨署

學校

臨晉縣志

目錄

田賦

兵衛

職官

宦績

選舉

封蔭

人物

忠烈

孝義

方伎

第二卷

烈婦

已旌節婦

未旌節婦

藝文

祥異

識餘

臨晉縣志

例言

一星象分野歷來通志郡志皆載其說登諸篇首所以備
占察也若區區一縣疆域無多必仰觀俯察謂某星分
野入某星幾度測量分配強以求合恐傳會舛錯勢所
不免故缺而不錄

一諸志每門例有小序率多空中議論無關實錄今省之
一舊志各門皆彙集成編如職官選舉等類臚列名姓於
行間令閱者目迷五色今仿府志依次橫列易於觀覽
一志乘所以傳信與天下後世共之非一人一時之事無

論名卿鉅公皆直書其名以昭公論

一是書多採府志其地名人名應屬虞鄉者概不採錄

一門類太繁便非體例故各從其類附之以歸簡易

一是編以迫於限期未遑親歷巘原詳加考校如山川沿革形勝古蹟之類謹就歷來舊志採擇節取其治波討源以俟後之君子

一節孝義行必衆口如一方爲採入其自具節略送局概不收取

疆域

自臨虞分縣山川形勝大半歸虞如王官谷百梯山玉柱峯奧區盡在東南臨晉所屬僅涑水以北之地界耳然百里之封古制未改畫地分疆瞭如指掌留心司牧者無不可按籍而知也

邑東西廣五十五里南北袤七十里

東至猗氏縣界二十里縣治四十里

南至涑水河虞鄉界三十里

西至黃河接陝西郃陽縣界四十里

北至榮河縣界四十里

東北至萬泉縣界六十里縣治九十里

東南至虞鄉縣治六十里

西南至永濟縣界二十里縣治七十里

西北至榮河縣界三十里縣治六十里

附山川

大嶷山小嶷山在縣東北三十五里二嶷南北並列舊志云隋志有三嶷山今土人止稱二嶷上舊有龍祠禱雨輒應

蛾眉嶺卽猗氏蛾眉岡所衍行者自臨晉入萬泉縣境
勢獨隆起故以嶺名

黃河自榮河入臨晉在縣西三十里行縣境四十里

涑水源出絳縣橫嶺山伏流而出經縣東南二十里經

水頭觀底胥村城子埒諸村入五姓湖達孟明橋入黃

河

乾隆十八年河東道喬光烈脩濬近年上流壅塞水
河不下行僅存溝渠故址當道屢議疏請未果

五姓湖在縣西南四十里與永濟虞鄉三縣界會處也

昔湖旁有村五姓居之故以名亦曰五姓灘舊志云每

歲荷花盡發爛若披錦今則湖水乾涸非復前日風景

矣

漢泉在縣西三十里吳王渡側

吳王渡在縣西三十里明初於此設巡檢司今久廢其南爲夾馬口卽陝西運鹽之過載處也

貫底橋在縣東南二十里係官路通衢

附古蹟

古解梁城舊志云在縣西南三十里五姓湖北其迹至今猶存

北解故城在縣東南二十里舊志謂城卽桑泉故治自

魏置北解隋改桑泉明隆慶五年居民於城內掘地獲桑泉縣印一顆意是隋末縣令遺棄者可証北解桑泉古無二城也

齊王岩在縣西北十里齊王村東南舊志云舊說韓信屯兵擒魏豹處

神羌堡在縣東北十五里傳東漢初高密侯鄧禹定河東圍安邑時屯兵於此

刳首左傳戊子敗秦師於令狐至於刳首十三州記云令狐卽猗氏刳首在其西三十里對澤則刳首正在臨

晉

綏化故城

在縣西南三十里五姓湖北卽周宇文之綏化也今猶以此名鄉荆養喬志

通真觀在城東南隅據府志云元泰定中建然其識餘

門復載金大定中遺事是此觀金時已有其名矣

文星臺在蛾眉頂明知縣高惟岡築

附八景

蛾眉春雨

舊志縣北三里曰里連岡橫空縷抹當靈雨初潤麥隴恒新遙望青坪層級如畫

五姓漁舟

舊志縣西南四十里帶笱簰以上下泛舩舡而東西十里煙波一聲欸乃令人起扁舟之

興焉

古城落雁

舊志縣西南三十里湖光接連水草交會當秋南春北之際什百為羣歷亂沙渚宛然一

小彭

象矣

涑水橫橋

舊志縣東南四十里鄉頭鎮桃花奔流玉欄畫鎖遙望行人往來如踏鰲背今鄉頭鎮已屬虞鄉而境內胥村

城西貫底橋尚在焉

星臺朗月

縣北五里據蛾眉之勝境近斗牛之星光每遇皓月當頭俯視無際令人有振衣千仞之想

雲樓曉鐘

在學宮前鐘鑄自宋政和藥師院數百年物也鏗鯨恣肆響入雲中當五夜淒清之候聞之發人

猛省

雙嶷對峙

縣東北三十五里岡形突起南北錯峙重重疊疊可耕可耘與海上之山虛無縹緲者異

焉

五渡同流

縣西三十里煙波上下一望瀾漫舟楫往來如行天上頓起乘槎之興不驚破浪之聲

八景名目皆昔人摹擬之辭畫家所謂類上添毫也

舊志王恭先更定其名自與虞鄉分縣驟割其四邑

人流連形勝仿補四條亦雅意也志之仍成八景云

附墳墓

王布衣桂墓在縣南四十里虞鄉縣塔兒原桂生長臨

晉觀底村中年遁跡塔兒原歿卽葬焉

荆中丞道乾墓在縣東南八里樊橋村南

荆忠烈中璜中璞墓在南關門外歿後子孫赴葉爾羌
滴血認骨卒未能獲招魂歸家取衣冠與妻合葬立碑
誌之

王忠烈康濟墓在西關外

吉檢討長清墓在縣東北八里泉兒杜村南蓋清雖寄
籍長安猶有太公二世葬周遺意

臣晉鼎元

九

風俗

舊志土剛而燥人多負氣好鬪男業耕耘士子不廢女勤績紡巨室亦然

臨俗素稱勤儉有唐魏遺風近來漸入奢華婚祭之事其先止用七簋漸加爲十全又加爲六六八八各名目誇多門靡幾至缺一不可衣服車馬之屬皆有踵事增華意焉婚禮男女定婚多在髫齡懇媒說親必折柬相邀名曰吃麵嫁娶之時親迎與否聽其自便前一日女家送妝奩至男家門首排列几上男家用鼓樂迎之以几之多爲榮邀

親友兩人作綵翁用零星綾紬裝成牌坊式樣樹立門口
令新人從下過之名曰綵門送女之賓多寡不定將卽席
兩親家舉杯望空叩首畢乃卽席讓賓名曰告奠是夕好
事者多以談諧語編成歌詞令新人出自口中名曰鬧房
次日引新婦向同里各巷禮拜婦女羣出而觀之名曰拜
巷女家請新人無定期擇日約會名曰回門新郎回門時
請一二知己相隨名曰伴郎嗣遇燈節清明端陽新婦剪
裁各樣人物花草散給親戚以示其巧重陽節母家蒸棗
饊饋女名曰送饊此規行之最久喪禮初喪卽葬不請堪

輿不計親友不用鼓樂無力之家多爲之謂之偷埋惟不動燒紙盆必待擇日另葬時長男頂之頭上出門跪靈前靈行擲之地下俗以爲所關甚重云其擇日另葬不論年之遠近一如新葬時會知親朋請諸生四位作禮生前一日行三獻禮親戚族黨各進果品食物每一獻禮終孝子入戶四禮生危坐兩旁點樂戶戲一回名爲侑食三週致祭亦如之至清明十月朔闔族在祠堂預備祭品上墳大戶祠堂多建戲臺是日演戲祭祖竟有用之墳塋者詩禮之家亦踵而行之噫春露秋霜之時而忍爲此哉語云習

俗移人賢者不免誠能躬行以率之漸摩以化之使之自
知其非而轉移於不覺焉則一變至道唐虞三代之風不
復遇於今日乎

城池

邑城古所謂三里之城唐天寶時所築也周三里二百三
步高二丈八尺址廣一丈濠深一丈其門東曰泰和西
曰慶豐南曰中條北曰峨嵋明隆慶二年知縣黃茂易
堞以甃三年知縣史邦直擴岸濬濠南有甕城萬厯中
知縣高惟崗以風水家言塞南門於東五十餘步別開
新門甕城亦廢崇禎十四年知縣閔自寅大加繕修重
建南城樓兩角樓規制巍煥未就緒尋遷去 國朝順
治十三年知縣孫宗元增葺之改門名東曰通陽西曰

福潤南曰拱條北曰迎恩康熙二十四年知縣齊以治
謂東南文昌門也議開未爲過西南縣治答陽之位乃
獨議塞乎開新留舊政教俱興二十七年知縣徐煜開
舊南門塞其新者四十六年知縣徐烜開新南門而舊
者復塞焉至同治二年知縣黃宜之大加修葺週圍加
厚五尺雉堞俱砌以甃又添築西南東北角樓二座城
垣鞏固如新建然並開舊南門而留其新者

城坐峨嵋坡下西北之水自聖壽寺側而下繞城之
右直北之水自文星臺而東下逕城卧牛提折而東

繞城之左每夏月暴雨驟發兩水奔流夾城鳴吼乾隆十四年坡水大發直趨城下官署民舍皆漂潰城垣崩倒者數十丈近郭村庄汪洋一片旬餘始退明年知縣周遐齡以西北之水滙歸長溝注射北門爲害最大乃於齊家庄買民地開渠九十丈築堤障水導之東流西關以外於胡家庄西依舊渠形迹濬令深濶引水南流以備洪潦保城郭同治八年署知縣錢官俊於齊家庄引水至北關外稍創其土牛使水由新開路直趨東門立有碑記

四鎮

城西鎮在縣東南二十里

周吳鎮在縣西南二十里

六龍鎮在縣西北二十里

卓里鎮在縣東北二十里

壇廟

文廟

在縣治東詳學校門

武廟

在文廟東

城隍廟

在武廟東

八蜡廟

在東郊外春秋祈報

馬王廟

在縣署西

龍王廟

在西門外

風神廟

在城外東南隅同治七年河東觀察楊寶臣防堵
駐縣捐廉倡始創建

社稷壇

在城西北隅方二丈高二尺春秋祈報

風雲雷雨山川壇

在城南方濶二丈五尺高二尺五寸春秋祀之

先農壇

在東郊外耕藉時祀之

厲壇

在北郊外高二尺五寸濶二丈明洪武八年定制以祀無祀鬼神

他如東門外之泰山廟西門外之藥王廟南門外之火

星廟北門外之后土廟各處羣祀不一而足更有非所

當祀而祀之者備載舊志攷辨最詳今不復錄

倉儲

倉在縣署右凡九厰共貳拾四間

常平倉設原額穀壹萬陸千石

社倉設原額穀叁百貳拾石叁斗玖升壹勺

舊志云以倉穀之數欲凶歲濟十數萬口難已然歲凶則匍匐乞貸者衆譬夫升斗之水不能週涸轍之魚而魚爭赴之豐歲中歲則倉且爲害夫陳陳相因不能不借然非借也派也派猶可也而民猶苦於其催當秋成時村各一票票各一差差之至村也叫號憑陵扼吭俯背民懾伏之

若虎豹然臨凡三百村是每歲催倉必有三百爲羣之虎
豹咆哮於一邑矣予以爲凡茲粟差悉宜裁去諭里長各
催其村非實在刁民抗納者毋濫用差催然催猶可也民
尤苦於其納民之納倉官不能自視也則必委之家丁此
輩昂首厲吻呼喝唾辭以爲威則足以飽谿壑耳而彼老
幼罷敝之民自朝至暮守候無時衣冷腹饑吞聲忍詬惴
惴焉頸縮股栗於家丁之側近之則不敢言遠之則不能
納僥倖一納而災害又至矣蓋倉書斗級與家丁助虐者
也倉書有粟費斗級有量費在倉之事無不多爲之名以

便其需索而又簸揚之狼戾之厮徒負養之賤又從而竊取之輾轉消耗而數不敷則又責其再納如是則倉儲之地不幾陷阱乎然則爲之奈何曰司倉者必慎其人而已長隨不可使家丁亦不可使必擇親屬知交而有惻隱者司其事苟非其人雖昆弟子姪猶爲害也其稽查之法當於納倉時猝然親歷其地招吾民至密室屏去左右問賠累之多寡於是民稍稍近就於我則必令悉其隱彼在倉者亦將知吾意向所在而不敢肆矣說者曰糴糶糠塵者可不懲乎曰此非民也胥役也否則爲民包納者也稽

得其實法當懲

爲政無他術去其害民者而已去其害吾民者卽所以救吾民不去其害而日思救民之法無當也倉儲爲救民第一要着設粥平糶俱由此出如光緒三四五等年大荒奇災從古未有倘能取諸倉而裕如爲數雖云無多亦可以暫救於一時無如倉儲之難非倉儲之難而去害之難舊志倉儲篇前尹王正茂所撰也法良意美仿其意而行之亦甚易易因節取大略申明反復願與後之司牧者共勉之

解署

署在城中元大德中建明洪武四年知縣郭或修宏治四年堂焚知縣王建重建嘉靖乙卯地震圯知縣李世藩再建隆慶中史邦直增修國朝康熙中知縣齊以治徐煜王光臯潘鵬相繼修光緒五年知縣艾紹濂修葺署中爲正堂堂之偏爲銀億庫堂前爲露臺旁列兩廊東爲吏戶禮承發招西爲兵刑工倉房前爲露臺次臺隸舍分快皂壯捕四班露臺前爲官箴坊坊前爲儀門儀門內西爲縣獄儀門外爲大門大門外爲屏牆樹以坊

表

典史署在縣署東

南衙在縣治牌坊東南署篆多居此其地狹隘今頽圯大門依然

鐘樓在學宮南臺以磚砌高二丈許明知縣史邦直建萬曆二十八年知縣高惟岡復建文昌閣三楹於上

演武場在縣城東南隅

樊橋驛在縣東南十五里

學校

學宮元至元十年縣尹許榮始建至正二年縣尹黨若濟
重修明洪武四年主簿葉士溫加葺成化十五年知縣
毛鳳來嘉靖二年知縣丁守中增修三十四年地震圯
知縣李世蕃復建十一年知縣趙岸十五年知縣吳崇
禮二十八年知縣高惟岡天啟六年知縣秦懷慶相繼
修國朝順治十七年知縣孫宗元康熙三十八年知
縣王光皋四十七年知縣徐炘乾隆三十八年知縣王
正茂繼葺咸豐三年知縣魯鴻疇大加創修大成殿基

址增崇尺餘殿前月臺增闊丈許易磚砌石東西廡升
其地基戟門三間改爲五間去其旁祭器庫宰牲房兩
小室改作月宮門而移宰牲房於殿後西北移祭器庫
於伴池東南池較舊式寬深加倍池東北有名宦祠西
有鄉賢祠忠義祠皆大其規模櫺星門改土牆砌以磚
廟外兩牌坊創立臺基磚入地六七尺出地五六尺廟
東崇聖祠一律增修

書院在學宮左額曰桑泉書院知縣傅克欽始之喻義堂
三間景賢堂五間諸生學舍二十間厨房三間然歷年

無束脩膏火故虛存其名道光十年知縣廉九經重修
創建點名廳五間正庭五間考棚三十間餘銀貳千兩
發當生息以爲書院山長脩膳之資咸豐四年邑紳又
以修 文廟餘銀建卷棚五間造長號板壹佰貳頁砌
以磚坐同治八年署縣錢官俊損廉俸壹佰兩並邑人
樂輸共得銀壹千貳佰兩發鋪戶輪流生息地壹頃五
拾畝佃戶耕種納租光緒四年方任戊昌又以團練餘
銀撥給書院叁佰兩均爲士子肄業之助

學前文昌祠南北雲路牌坊不知創自何時歷年傾圮僅

存基址道光十七年邑人姚追麟重修

學額附生十五名咸豐元年因樂輸永遠廣額壹名共拾
陸名廩生拾名增生拾名歲貢與虞鄉輪埃咸豐初歲
貢生李興讓等呈請加增廩貢由大府入 奏准加廩
增各五名恩歲貢各壹名自同治元年爲始後加之廩
糧無出生員李毓坤損銀壹佰陸拾兩發當生息每年
隨廩糧發給

儒學明倫堂五間在文廟後兩齋各五間東曰時習西曰
日新儀門三間左右兩坊曰興賢曰育才大門三間明

倫堂後爲尊經閣閣後爲敬一亭明倫堂西爲鼓琴堂
今是教諭宅

學田在五姓湖灘奉上司帖文以後退地俱爲學田勒碑

明倫堂

老師 嫌圪塔地叁拾畝

貧士 地叁頃貳拾玖畝玖分肆厘

廩生 地陸頃

義學在學門南先爲士林公舍至是改爲義學此臨晉城
內立義學之始也邑人姚東濟捐銀伍百兩爲延師束

脩之費翟樹華又捐銀壹百兩均發當生息

臨邑士子半耕半讀多艱於資斧科第所以不振也邑人
薛秉禮獨出百貳拾金發商生息爲闔邑鄉試卷價之
費茲附於學校末爲後之賓興者勸焉

學校

文廟崇祀

先師其位次自

至聖下若四配若十哲乾隆三年升列有子於東康熙五
十一年升列朱子於西共十二哲以及兩廡先賢先
儒或以時更或以齒叙先後倫次確不可易同治二
年經禮臣依次繪圖

詔頒天下學宮一律遵照又同治七年袁燮從祀其位在
西廡宋儒呂祖謙之次十年張履祥從祀其位在東

廡孫竒逢之次十三年陸世儀從祀其位在西廡黃
道周之次光緒二年許慎從祀其位在東廡后蒼之
次謹遵歷年定位詳載志中俾展卷之餘肅然起敬
仰見

師門之美富益昭

聖學之昌明所以正祀典而振文風將於是乎在職司俎
豆者宜何如之慎重歟

四先賢

敦正叔仲父不離馬勝宮孫

喬放憲廷閣開耕鑿種皮季父修亦齊情定單黑旂即國九潔會如異九張乘非曾何童皮克章頤顯雍

西廡三十一位

程張公公泰左申施顏公孔狄樂燕公熙素公頤奚后公石壤顏泰公曹顏巫商樊高公宓澹遠
孫都明 邱之西 祖句 井容夏作駟 孫馬 督台不 臺滅 頤載丑子儀冉明張常僕藏忠黑欵攸茲成祖彊祖藏處首蜀赤高商龍卹辛施澤須柴哀長齊明暖

大成殿祀位圖

至聖先師孔子

述聖子思子
復聖顏子

宗聖曾子
亞聖孟子

先賢有子
先賢卜子
先賢仲子
先賢端木子
先賢冉子
先賢閔子

先賢冉子
先賢宰子
先賢冉子
先賢言子
先賢顓孫子
先賢端木子

東廡三十三位

先儒

公伏毛孔許后鄭范陸歐司謝羅李張陸陳真何文趙金陳方薛胡羅呂劉孫張陸
羊安康仲陽馬良從九德天履孝居欽宗奇履隴
高勝亨國慎蒼成寄賢淹修允佐彥綱斌訓清秀基祥復屏歸孺瑄仁順楠周逢祥其

兩廡先儒祀位圖

西廡三十三位

先儒

湯陸黃呂王蔡陳曹許吳許陸王魏蔡黃呂李胡尹楊韓胡韓王諸杜毛董穀
世道守獻了秀安祖安葛子仲堂梁
斌儀周坤仁清章端謙澄衡夫柏翁沈榦爽謙伺國焯時琦瑗愈通亮春養舒生赤

崇

聖

祠

祀

位

圖

昌聖王伯夏公

裕聖王祈父公

肇聖王木金父公

詒聖王防叔公

啟聖王叔梁公

先賢孔氏
先賢顏氏
先賢孔氏

先賢曾氏
先賢子孫氏

先儒蔡氏
先儒程氏
先儒周氏

先儒張氏
先儒朱氏

先師歷代廟記漢高祖自淮南還過魯以太牢祀孔子此
祀聖之始猶未祀於學也明帝永平二年令郡縣學校
皆祀聖師周孔亦未有特廟廟祀孔子於學自唐始高
祖武德二年詔國子學立周公孔子廟四時致祭以周
公爲先聖孔子爲先師貞觀二年房玄齡等建議以周
公尼父俱稱聖人庠序致奠本緣夫子晉宋梁陳及隋
大業故事皆以孔子爲先聖顏回爲先師歷代所行古
今通允有詔停祭周公升孔子爲先聖專祀焉歷代因
之然止行於國學明洪武十五年詔天下通祀孔子上

諭禮部尚書劉仲質曰孔子明帝王之道以教後世使
君君臣臣父父子子綱常以正彝倫攸叙其功參乎天
地今天下郡縣廟學並建而報祀之禮止行京師豈非
缺典其頒行天下學校令每歲春秋仲月通祀孔子

先師歷代謚號魯哀公諫曰尼父漢平帝謚曰宣尼公和
帝封爲褒尊侯北魏孝文帝改謚文聖尼父後周靜帝
封鄒國公隋文帝贈先師尼父唐太宗尊爲先聖又尊
爲宣父高宗贈爲太師武后封隆國公玄宗追謚文宣
王宋真宗加謚玄聖文宣王又改至聖文宣王元武宗

加封大成至聖文宣王明世宗改稱至聖先師孔子

大成殿正位

至聖先師孔子

東配

復聖顏子

漢永平十五年祀七十二弟子顏子位第一
魏晉祀孔子均以顏子配唐貞觀二年以孔

子為先聖

顏子配饗

述聖子思子

宋大觀二年從祀端平三年
并列哲位咸淳三年配饗

西配

宗聖曾子

唐開元八年從祀
宋咸淳三年配饗

亞聖孟子

宋元豐七年配饗

以上配位宋以前皆稱封爵元至順元年贈顏子充

國復聖公會子鄒國宗聖公子思子沂國述聖公孟

子鄒國亞聖公明嘉靖九年改稱復聖顏子宗聖曾

子述聖子思子亞聖孟子

國朝因之

東哲

先賢閔子

唐開元八年從祀

先賢冉子

唐開元八年從祀

先賢端木子

唐開元八年從祀

先賢仲子

唐開元八年從祀

先賢卜子

唐貞觀二十一年以經師從祀開元八年以十哲從祀

先賢有子

唐開元八年從祀國朝乾隆三年升列哲位

西哲

先賢冉子

唐開元八年從祀

先賢宰子

唐開元八年從祀

先賢冉子

唐開元八年從祀

先賢言子

唐開元八年從祀

先賢顓孫子

唐開元八年從祀宋
咸淳三年升列哲位

先賢朱子

宋建炎四年生慶元六年卒年七十一淳
祐元年從祀 國朝康熙五十一年升列

哲位

以上哲位宋以前皆稱封爵明嘉靖九年改稱先賢

某子

國朝因之有子朱子升列哲位從一例

東廡先賢

先賢公孫僑

左傳魯襄公八年始見昭公八年卒
國朝咸豐七年從祀原西廡擬移東廡

先賢林放

唐開元二十七年從祀明嘉靖九年改祀
於鄉 國朝雍正二年復祀原西廡擬移

東廡

先賢原憲

唐開元二十七年從祀

先賢南宮适

唐開元二十七年從祀

先賢商瞿

唐開元二十七年從祀

先賢漆雕開

唐開元二十七年從祀

先賢司馬耕

唐開元二十七年從祀

先賢梁鱣

唐開元二十七年從祀

先賢冉孺

唐開元二十七年從祀

先賢伯虔

唐開元二十七年從祀

先賢冉季

唐開元二十
七年從祀

先賢漆雕徒父

唐開元二十
七年從祀

先賢漆雕哆

唐開元二十
七年從祀

先賢公西赤

唐開元二十
七年從祀

先賢任不齊

唐開元二十
七年從祀

先賢公良孺

唐開元二十
七年從祀

先賢公肩定

唐開元二十
七年從祀

先賢鄒單

唐開元二十
七年從祀

先賢罕父黑

唐開元二十
七年從祀

先賢榮旂

唐開元二十七年從祀

先賢左人郢

唐開元二十七年從祀

先賢鄭國

唐開元二十七年從祀

先賢康元

唐開元二十七年從祀

先賢廉潔

唐開元二十七年從祀

先賢叔仲會

唐開元二十七年從祀

先賢公西與如

唐開元二十七年從祀

先賢邾巽

唐開元二十七年從祀

先賢陳亢

唐開元二十七年從祀

先賢琴張

唐開元二十七年從祀

先賢步叔乘

唐開元二十七年從祀

先賢秦非

唐開元二十七年從祀

先賢顏噲

唐開元二十七年從祀

先賢顏何

唐開元二十七年從祀明嘉靖九年罷國朝雍正二年復祀

先賢縣亶

國朝雍正二年從祀

先賢牧皮

國朝雍正二年從祀原西廡擬移東廡

先賢樂正克

國朝雍正二年從祀

先賢萬章

國朝雍正二年從祀

先賢周敦頤

宋天禧元年生熙寧六年卒年五十七

先賢程顥

宋明道元年生元豐八年卒年五十四

先賢邵雍

宋大中祥符四年生熙寧十年卒年六十七

西廡先賢

先賢遽瑗

左傳魯襄公十四年始見卒年無考史記定公十四年孔子猶主遽伯玉家其卒後於公孫僑蓋三十餘年唐開元二十七年從祀明嘉靖九年改祀於鄉國朝雍正

二年復祀原東

廡擬移西廡

先賢澹臺滅明

唐開元二十七年從祀原東廡擬移西廡

先賢宓不齊

唐開元二十七年從祀

先賢公冶長

唐開元二十七年從祀

先賢公西哀

唐開元二十七年從祀

先賢高柴

唐開元二十七年從祀

先賢樊須

唐開元二十七年從祀

先賢商澤

唐開元二十七年從祀

先賢巫馬施

唐開元二十七年從祀

先賢顏辛

唐開元二十七年從祀

先賢曹卹

唐開元二十七年從祀

先賢公孫龍

唐開元二十七年從祀

先賢秦商

唐開元二十七年從祀

先賢顏高

唐開元二十七年從祀

先賢壤駟赤

唐開元二十七年從祀

先賢石作蜀

唐開元二十七年從祀

先賢公夏首

唐開元二十七年從祀

先賢后處

唐開元二十七年從祀

先賢奚容蒧

唐開元二十七年從祀

先賢顏祖

唐開元二十七年從祀

先賢句井疆

唐開元二十七年從祀

先賢秦祖

唐開元二十七年從祀

先賢縣成

唐開元二十七年從祀

先賢公祖句茲

唐開元二十七年從祀

先賢燕伋

唐開元二十七年從祀

先賢樂欬

唐開元二十七年從祀

先賢狄黑

唐開元二十七年從祀

先賢孔忠

唐開元二十七年從祀

先賢公西藏

唐開元二十七年從祀

先賢顏之僕

唐開元二十七年從祀

先賢施之常

唐開元二十年從祀

先賢申棖

唐開元二十年從祀

先賢左邱明

唐貞觀二十一年以經師從祀

先賢秦冉

唐開元二十七年從祀明嘉靖九年罷國朝雍正二年復祀

先賢公明儀

國朝咸豐三年從祀原東廡擬移西廡

先賢公都子

國朝雍正二年從祀

先賢公孫丑

國朝雍正二年從祀

先賢張載

宋天禧四年生熙寧十年卒年五十八淳祐元年從祀

先賢程頤

宋明道二年生大觀元年卒年七十五淳祐元年從祀

以上先賢位宋以前從祀者皆稱封爵明嘉靖九年
改稱先賢某子周張程邵五子嘉靖時稱先儒崇禎
十五年改稱先賢位在七十子之下漢唐諸儒之上
國朝俱稱先賢不稱子

東廡先儒

先儒公羊高

子夏弟子唐貞觀二十一年從祀

先儒伏勝

秦博士唐貞觀二十一年從祀

先儒毛亨

年無考受詩於荀卿以授毛萇按史記楚考烈王二十五年荀卿廢居蘭陵距漢興三十二年太平御覽引毛詩正義云荀卿授漢人魚豢毛亨則是秦漢間人

國朝

同治二年從祀

先儒孔安國

漢武帝時為博士侍中唐貞觀二十一年從祀原西廡擬移東廡

先儒后蒼

漢宣帝時為博士明嘉靖九年從祀

先儒許慎

國朝光緒二年從祀

先儒鄭康成

漢永建二年生建安五年卒年七十四唐貞觀二十一年從祀明嘉靖九年改

祀於鄉國朝雍正二年

復祀原西廡擬移東廡

先儒范甯

晉咸康五年生隆安五年卒年六十三唐貞觀二十一年從祀明嘉靖九年改祀於

鄉國朝雍正二年復

祀原西廡擬移東廡

先儒陸贄

唐天寶十三年生永貞元年卒年五十二國朝道光六年從祀

先儒范仲淹

宋端拱二年生皇祐四年卒年六十四國朝康熙五十四年從祀

先儒歐陽修

宋景德四年生熙寧五年卒年六十六明嘉靖九年從祀

先儒司馬光

宋天禧三年生元祐元年卒年六十八咸淳三年從祀原西廡擬移東廡

先儒謝良佐

宋元豐八年進士生卒年無考與楊時同稱程門四先生國朝道光二十九年從祀

先儒羅從彥

宋熙寧五年生紹興五年卒年六十四明萬曆四十二年從祀

先儒李綱

宋元豐六年生紹興十年卒年五十八國朝咸豐元年從祀原西廡擬移東廡

先儒張栻

宋紹興三年生淳熙七年卒年四十八景定二年從祀原西廡擬移東廡

先儒陸九淵

宋紹興九年生淳熙三年卒年五十四明嘉靖九年從祀原西廡擬移東廡

先儒陳淳

宋紹興二十三年生嘉定十年卒年六十五 國朝雍正二年從祀

先儒真德秀

宋淳熙五年生端平二年卒年五十八 明正統二年從祀原西廡擬移東廡

先儒何基

宋淳熙十五年生咸淳四年卒年八十一 國朝雍正二年從祀原西廡擬移東廡

先儒文天祥

宋端平三年五月二日生元至元十九年卒年四十七 國朝道光二十三年

從祀原西廡
擬移東廡

先儒趙復

生卒年無考以宋端平二年至北庭當列元儒之首 國朝雍正二年從祀

先儒金履祥

宋紹定五年生元大德七年卒年七十二 國朝雍正二年從祀原西廡擬移

東廡

先儒陳澠

宋景定二年生元至正元年卒年八十一 國朝雍正二年從祀原西廡擬移東廡

先儒方孝孺

元至正十七年生明建文四年卒
年四十六 國朝同治二年從祀

先儒薛瑄

明洪武二十二年生天順八年卒年七
十六隆慶五年從祀原西廡擬移東廡

先儒胡居仁

明宣德九年生成化二十年卒
年五十一萬曆十二年從祀

先儒羅欽順

明成化元年生嘉靖二十六年卒
年八十三 國朝雍正二年從祀

先儒呂柟

明成化十五年生嘉靖二十一年卒年六
十四 國朝同治二年從祀原西廡擬移

東廡

先儒劉宗周

明萬曆六年生 國朝順治二年卒年
六十八道光二年從祀原西廡擬移東

廡

先儒孫奇逢

明萬曆十二年生 國朝康熙十四年
卒年九十二道光八年從祀原西廡擬

移東
廡

先儒張履祥

國朝同治
十一年從祀

先儒陸隴其

明崇禎三年生
卒年六十三
國朝康熙三十一年
雍正二年從祀原西廡擬
移東廡

西廡先儒

先儒穀梁赤

子夏弟子唐貞觀
二十一年從祀

先儒高堂生

秦末漢初人唐貞
觀二十一年從祀

先儒董仲舒

漢武帝初年對策為江都相元至
順元年從祀原東廡擬移西廡

先儒毛萇

漢河間獻王博士當武帝
時唐貞觀二十一年從祀

先儒杜子春

漢永平初年年九十唐貞觀二十一年從祀原東廡擬移西廡

先儒諸葛亮

漢光初四年生建興十二年卒年五十四國朝雍正二年從祀原東廡擬移

西廡

先儒王通

陳至德二年生隋義寧二年卒年三十五一作開皇二年生年三十七明嘉靖九年

從祀原東廡擬移西廡

先儒韓愈

唐大曆三年生長慶三年卒年五十七宋元豐七年從祀

先儒胡瑗

宋淳化四年生嘉祐四年卒年六十七明嘉靖九年從祀

先儒韓琦

宋大中祥符元年生熙寧八年卒年六十八國朝咸豐二年從祀原東廡移西廡

先儒楊時

宋皇祐五年生紹興五年卒年八十三明宏治八年從祀原東廡擬移西廡

先儒尹焞

宋熙寧四年生紹興十二年卒年七十二國朝雍正二年從祀

先儒胡安國

宋熙寧七年生紹興八年卒年六十五明正統二年從祀

先儒李侗

宋元祐八年生隆興元年卒年七十一明萬曆四十二年從祀原東廡擬移西廡

先儒呂祖謙

宋紹興七年生淳熙八年卒年四十五景定二年從祀原東廡擬移西廡

先儒袁燮

國朝同治七年從祀

先儒黃榦

宋紹興二十二年生嘉定十四年卒年七十國朝雍正二年從祀

先儒蔡沈

宋乾道三年生紹定三年卒年六十四明正統二年從祀原東廡擬移西廡

先儒魏了翁

宋淳熙五年生嘉熙元年卒年六十四國朝雍正二年從祀原東廡擬移西廡

先儒王伯

宋慶元三年生咸淳十年卒年七十八國朝雍正二年從祀原東廡擬移西廡

先儒陸秀夫

宋端平三年十月八日生祥興二年卽元至元十六年卒年四十四國朝咸

豐九年

從祀

先儒許衡

宋嘉定二年生元至元十八年卒年七十三皇慶二年從祀

先儒吳澄

宋淳祐九年生元統元年卒年八十五明正統八年從祀嘉靖九年罷國朝乾

隆二年復祀原

東廡擬移西廡

先儒許謙

元至元七年生後至元三年卒年六十八國朝雍正二年從祀原東廡擬移西廡

先儒曹端

明洪武九年生宣德九年卒年五十九國朝咸豐十年從祀原東廡擬移東廡

先儒陳獻章

明宣德三年生宏治十三年卒年七十三萬曆十二年從祀

先儒蔡清

明景泰四年生正德三年卒年五十六國朝雍正三年從祀

先儒王守仁

明成化八年生嘉靖七年卒年五十七萬曆十三年從祀原東廡擬移西廡

先儒呂坤

明嘉靖十五年生萬曆四十六年卒年八十三國朝道光六年從祀

先儒黃道周

明萬曆十三年生國朝順治三年卒年六十二道光五年從祀原東廡擬移

西廡

先儒陸世儀

國朝光緒二年從祀

先儒湯斌

明天啟七年生國朝康熙二十六年卒年六十一道光三年從祀原東廡移西廡

以上先儒位明嘉靖以前從祀者皆稱封爵嘉靖九

年改稱先儒某子

國朝稱先儒不稱子

崇聖祠正位

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

以上正位明嘉靖九年於

大成殿後立啟聖祠祀叔梁公

國朝雍正元年

詔封孔子先世王爵合祀五代更名啟聖祠爲

崇聖祠

東配

先賢孔氏孟皮

國朝咸豐七年配饗

先賢顏氏

名無繇唐開元二十七年從祀明嘉靖九年配饗

先賢孔氏

名鯉宋咸淳三年從祀明嘉靖九年配饗

西配

先賢曾氏

名皙唐開元二十七年從祀明嘉靖九年配饗

先賢孟孫氏

名激明嘉靖九年配饗

東廡先儒

先儒周氏

名輔成年無考明萬
曆二十三年從祀

先儒程氏

名珦宋景德三年生元祐五年
卒年八十五明嘉靖九年從祀

先儒蔡氏

名元定宋紹興五年生慶元四年
卒年六十四明嘉靖九年從祀

西廡先儒

先儒張氏

名迪年無考 國
朝雍正二年從祀

先儒朱氏

名松宋紹聖四年生紹興十三年
卒年四十七明嘉靖九年從祀

以上先賢先儒位明嘉靖時稱先賢某氏先儒某氏

國朝因之

田賦

原額民田民中地肆千柒百壹拾柒頃叁拾畝零柒分叁

釐玖毫

每畝徵糧銀壹錢零零肆毫伍絲貳忽共

徵糧銀肆萬柒千叁百捌拾陸兩叁錢

玖分伍釐

民上地貳頃叁拾壹畝零肆釐叁毫肆絲

每畝徵糧銀壹錢零伍釐肆毫肆絲肆忽

共徵糧銀貳拾肆兩叁錢陸分貳釐

田賦

續上

三三

民水地伍畝貳分捌釐壹毫

每畝徵糧銀壹錢叁分柒釐肆毫貳絲共
徵糧銀柒錢貳分伍釐

民花地叁百玖拾壹頃壹拾畝零玖分

每畝徵糧銀陸分陸釐壹毫零壹忽陸微
共徵糧銀貳千伍百捌拾伍兩貳錢玖
分叁釐

民全地肆拾捌頃貳拾貳畝陸分陸釐捌毫

每畝徵糧銀叁分陸釐零陸絲陸忽共徵

糧銀壹佰柒拾叁兩玖錢叁分叁釐

湖上地叁拾伍頃玖拾玖畝肆分捌釐玖毫

每畝徵糧銀壹錢貳分柒釐玖毫零柒忽

壹微共徵糧銀肆百伍拾捌兩捌錢柒

分

湖中地壹拾捌頃肆拾叁畝貳分貳釐肆毫

每畝徵糧銀肆分伍釐捌毫玖絲陸忽捌

微共徵糧銀捌拾肆兩伍錢玖分捌釐

柒毫

民老中地叁拾捌頃捌拾伍畝柒分捌釐

每畝徵糧銀柒分玖釐叁毫貳絲貳忽共
徵糧銀叁百零捌兩貳錢貳分柒釐

民老花地伍頃陸拾貳畝貳分壹釐

每畝徵糧銀伍分叁釐零壹絲柒忽捌微
共徵糧銀貳拾玖兩捌錢零柒釐

軍中地壹千肆百壹拾叁頃陸拾伍畝伍分

每畝徵糧銀肆分零零柒絲陸忽陸微共
徵糧銀伍千陸百陸拾伍兩肆錢肆分

捌釐伍毫

軍花地陸拾壹頃叁拾伍畝貳分貳釐捌毫

每畝徵糧銀叁分壹釐伍毫壹絲伍忽共

徵糧銀壹百玖拾叁兩叁錢伍分

軍上坡地柒頃陸拾捌畝捌分伍釐

每畝徵糧銀叁分陸釐肆毫叁絲叁忽叁

微共徵糧銀貳拾捌兩零壹分壹釐

軍平坡地壹拾肆畝壹分伍釐

每畝徵糧銀貳分柒釐叁毫貳絲伍忽共

徵糧銀叁錢捌分陸釐

軍大坡地壹百貳拾伍頃玖拾柒畝零肆釐

每畝徵糧銀壹分叁釐陸毫陸絲貳忽貳

微共徵銀壹百柒拾貳兩壹錢零柒釐

軍小下坡三色地叁百叁拾肆頃肆拾貳畝玖分

伍釐

每畝徵糧銀貳分貳釐柒毫柒絲壹忽共

徵糧銀柒百陸拾壹兩伍錢貳分玖釐

沙藤地肆頃柒拾柒畝叁分貳釐玖毫

每畝徵糧銀叁分叁釐陸毫叁絲叁忽共

徵糧銀壹拾陸兩零伍分叁釐

新增下地肆頃貳拾壹畝零零柒毫柒絲

每畝徵糧銀壹分壹釐叁毫捌絲伍忽肆

微共徵糧銀肆兩柒錢玖分叁釐

羣牧里上地壹拾柒畝肆分捌釐伍毫

每畝徵糧銀伍分肆釐貳毫捌絲共徵糧

銀玖錢肆分玖釐

羣牧里中地壹拾貳頃肆拾柒畝柒分玖釐壹

毫

每畝徵糧銀肆分叁釐肆毫貳絲肆忽共
徵糧銀伍拾肆兩壹錢捌分肆釐

羣牧里下地壹百貳拾柒頃貳拾玖畝柒分叁
釐

每畝徵糧銀壹分肆釐貳毫貳絲壹忽肆
微共徵糧銀壹百捌拾壹兩零叁分肆

釐

以上各色地畝通共柒千叁百伍拾頃捌畝

叁分玖釐伍毫貳絲

共總該徵正糧銀伍萬捌千壹百叁拾兩零

陸分壹釐

共匠價銀肆拾柒兩

光緒陸年正月貳拾柒日內閣抄出本省督撫部院
曾摺奏內開去村西將軍屯水冲沙壓荒地壹頃柒
拾肆畝陸分捌毫每年應徵正耗銀壹拾柒兩伍錢
叁釐貳毫東五姓等八村鹽城荒地肆拾伍頃柒拾
伍畝玖釐每年應徵正耗米折銀壹百捌拾玖兩捌

錢捌分貳釐伍毫玖絲貳忽穀陸拾石肆斗陸升伍

合叁勺奉

上諭永遠豁免

雜項

一原額田房正稅銀叁兩捌錢肆分叁釐盈餘稅銀儘收
儘解

一原額牲畜正稅銀柒兩貳錢陸分捌釐閏月稅銀貳錢
伍分

一原額商稅銀貳拾貳兩叁錢貳分閏月稅銀壹兩壹錢
玖分捌釐

一原額酒課銀壹拾壹兩柒錢貳分閏月稅銀壹兩壹錢
柒分貳釐

一現徵當稅銀貳拾兩

牙帖稅銀壹拾捌兩

一額設義學八處共束脩銀陸拾肆兩

係在田房盈餘項下支給

一新增廩生五名除扣叁成鈔本並陸分減平外共添設

廩生餽糧銀壹拾兩伍錢貳分捌釐此新增餽糧銀

兩係捐輸發當生息每年發給銀兩不假書役之手

遇有空缺所扣銀兩存經理人之手以作義學公用

戶口

閩縣土著現計貳萬貳千貳拾壹戶大小名口壹拾捌萬叁千柒百叁拾柒

昔之言賦役者曰地曰丁丁之流弊不可勝言乾隆十一年丁歸地糧三十七年停編審萬民歡戴祝頌無疆由是每年徵收錢糧無論戶口多寡統歸田賦之中矣有田賦卽有差徭貢差兵差借差等類所用車馬麩草酒席柴炭無不出於閭閻之支應自上年荒旱頻仍爲從古未有之災戶口彫殘無主之荒地

亦殊不少而差徭依然未改也

天顏萬里誰能匍匐而告之幸

大憲恫瘝在抱欲爲

國家培養元氣檄飭各州縣各就地方情形極力撙節
妥定章程詳復核奪本縣差徭業經紳士妥議條款
公同具稟請詳現已據稟詳

院一俟奉有明文再爲敘入或仿照各縣另行刊本
以期久遠遵行

起解留支戶口各款

一民田更名河灘各色共地伍千伍百壹拾捌頃叁拾柒畝玖分捌釐共徵

本色粟米五斗

本色穀壹百柒拾陸石柒斗陸升叁合壹勺

折色糧叁萬捌千陸百伍拾石叁斗叁升壹勺

折銀並加增絲絹共銀肆萬伍千壹百捌兩壹錢肆分

一歸併平陽衛屯田共地壹千玖百叁拾捌頃叁拾壹畝

玖分陸釐共徵

折色糧米千肆百玖拾叁石壹斗貳升玖合肆勺
折銀伍千玖百玖拾壹兩玖錢玖分

二戶口三門九則共人壹萬捌百伍拾捌丁共徵

均徭並辦買本色顏料銀肆千捌百柒拾玖兩壹錢
貳分

地差銀陸百捌拾貳兩玖錢玖分捌釐

一王屯人壹百壹丁每丁徵銀壹錢捌分肆釐玖忽玖微

共徵

徭銀壹拾捌兩伍錢捌分伍釐

一順治十二年起至雍正六年止清出人壹千捌百伍拾貳丁半共徵

徭銀伍百玖拾柒兩陸錢陸分柒釐

一歸併平陽衛戶口三門九則共人柒百叁拾貳丁共徵均徭銀捌百叁拾兩壹錢貳分捌釐

一額外匠價銀肆拾叁兩捌錢壹分捌釐

以上俱奉文攤入地糧徵收

一額外商稅銀貳拾貳兩叁錢貳分

一 額外酒課銀壹拾壹兩柒錢貳分

以上共徵

本色倉斗粟米伍斗

本色倉斗穀壹百柒拾陸石柒斗陸升叁合壹勺

折色糧銀伍萬捌千貳百玖兩柒分捌釐內除商稅

酒課匠價共銀柒拾柒兩捌錢伍分捌釐例不徵

耗外

應徵正項銀伍萬捌千壹百叁拾壹兩貳錢貳分加

壹徵耗

連前商稅酒課匠價共額徵正項銀伍萬捌千貳百玖兩柒分捌釐

加壹應徵耗羨銀伍千捌百壹拾叁兩壹錢貳分貳釐

一起運

戶部項下解 布政司銀伍萬叁千捌百陸拾兩陸錢叁分

二支解

戶部都水司料並織造黃絲錫觔等項共銀壹百陸

拾捌兩陸錢伍分

一解交

布政司庫蕪羨銀肆千肆百叁拾叁兩壹錢貳分貳

釐

二解交

平陽府本色倉斗粟米伍斗本色倉斗穀壹百柒拾

陸石柒斗陸升叁合壹勺

一存留

文廟春秋丁祭銀肆拾兩

關帝廟並三代祭品共銀貳拾兩捌錢叁分

敬聖名宦鄉賢諸祠共祭祀銀壹拾壹兩壹錢捌分

文昌帝君祭祀共銀壹拾伍兩柒錢捌分

雲壇祭祀共銀叁兩

風雲雷雨山川社稷八蜡廟二祭銀貳拾肆兩

邑厲壇三祭共銀壹拾貳兩

迎春神牛銀壹兩貳錢伍分

月朔十五行香共銀伍兩陸錢

以上祭祀銀兩俱奉文毋庸減平

知縣俸銀肆拾伍兩

內除原攤並新攤代州榮河

靜樂等處缺荒銀貳拾肆兩壹錢玖分捌釐

門子二名共銀壹拾貳兩

內抽撥禁卒工食銀

壹兩貳錢捌分

皂隸拾陸名共銀玖拾陸兩

內分給忤作工食

銀壹拾捌兩

快手捌名共銀肆拾捌兩

內抽撥禁卒丁食銀

伍兩壹錢貳分

舖司兵貳拾叁名共銀貳拾柒兩陸錢

民壯肆拾名共銀貳百捌拾捌兩

捕役捌名共銀肆拾捌兩

轎夫肆名共銀貳拾肆兩
內抽撥禁卒工食銀

貳兩伍錢陸分

傘扇夫叁名共銀拾捌兩
內抽撥禁卒工食銀

壹兩玖錢貳分

庫子肆名共銀貳拾肆兩
內抽撥禁卒工食銀

貳兩伍錢陸分

孤貧肆拾伍名共冬衣花布銀肆拾貳兩肆錢捌

分 此項銀兩前經奉文毋庸減平

倉斗級肆名共銀貳拾肆兩內抽撥禁卒工食銀貳兩伍錢陸分

禁卒捌名共銀肆拾捌兩又抽添工食銀拾陸兩監內更夫五名共銀叁拾兩

典史俸銀叁拾壹兩伍錢貳分

門子壹名工食銀陸兩

馬夫壹名工食銀陸兩

皂隸肆名共銀貳拾肆兩

儒學俸銀肆拾兩

廩生拾名共廩糧銀叁拾貳兩

膳夫貳名共銀壹拾叁兩叁錢玖分叁釐

齋夫叁名共銀壹拾捌兩

門斗三名共銀壹拾捌兩

驛站

厰夫共玖拾名每名每日工食銀叁分肆釐柒毫

陸絲貳忽伍微零

馬夫共叁拾柒名每名每日工食銀叁分伍釐

驛馬共柒拾肆匹每匹每日麩草銀玖分柒釐叁毫

鳳臺縣馬夫壹名半每名每日工食銀叁分

鳳臺縣馬叁匹每匹每日麩草銀玖分捌釐

以上共存留驛站等銀貳千柒百柒拾伍兩陸

錢貳分玖釐外不敷在於 藩憲衙門請領

銀貳百伍拾伍兩陸錢貳分柒釐

一 支存候解

角杯巡檢現移駐曲沃縣候馬鎮俸銀叁拾壹兩伍

錢貳分

皂隸貳名共銀壹拾貳兩

弓兵拾名共銀陸拾兩

歸併平陽衛武晏銀叁兩捌錢壹分伍釐

起送赴考貢生並考中正貢旗匾賀儀銀叁兩

新中舉人旗匾賀儀銀壹兩陸錢陸分柒釐

新中舉人坊牌銀叁拾兩

餞送舊舉人會試盤費銀壹拾伍兩

新中進士旗匾賀儀銀伍兩

鄉飲酒禮銀壹拾伍兩

時憲書紙價銀壹拾玖兩壹錢玖分肆釐

一存留

知縣養廉銀壹千兩

典史養廉銀陸拾兩

角杯巡檢今移駐曲沃縣候馬鎮養廉銀陸拾兩

本縣繁費銀貳百陸拾兩

兵衛

把總一員駐城守營典兵二十八名

額外千總一員駐鴛子營典兵二十七名

協防額外外委一員駐樊橋驛跟役兵二名

水頭汛 青楊汛 樊橋汛 七級汛每汛兵各五名

均隸蒲州府協標營

附郵驛

樊橋古驛今移置縣署西共馬七十七匹馬夫三十八名半廩夫九十名內有虞鄉併棚三十名

東驛塘在猗氏香落鎮馬七匹

西驛塘在永濟栲栳鎮馬七匹

安邑北相鎮置探馬一匹

永濟縣大號置探馬一匹

職官

知縣

傅克欽

福建建甯府建陽縣拔貢乾隆二十四年到

任 有傳

秘鍾璫

直隸河間府故縣舉人乾隆二十九年到任

廖景明

江蘇松江府華亭縣貢生乾隆三十二年

任

王正茂

安徽廬州府廬江縣進士乾隆三十六年到

任 有傳

余丙

山東濟南府歷城縣舉人乾隆三十九年到任

方中

安徽安慶府桐城縣監生乾隆四十年到任

楊仵

陝西西安府三原縣廩生乾隆四十七年到任

王鴻謨

直隸保定府雄縣舉人乾隆四十九年到任

楊開泰

廣西柳州府融縣廩生乾隆五十年到任

張玉紱

直隸順天府涿州舉人乾隆五十五年到任

熊耳源

江西南康府安義縣舉人乾隆五十八年到任

任

程安

直隸順天府大興縣監生嘉慶十三年到任

鄒澍甯

四川重慶府涪州人乾隆癸卯舉人嘉慶十

四年到任

陳禮

直隸天津府滄州人嘉慶戊辰進士嘉慶二

十一年到任

崔偲

直隸順天府霸州人嘉慶戊辰進士道光元

年由永和縣調任

有傳

廉九經

奉天錦州府廣甯縣人嘉慶庚申舉人道光

四年由夏縣調任 有傳

朱家學

雲南石屏州人己丑進士道光十一年到任

舒元益

浙江杭州府仁和縣人嘉慶己卯舉人道光

十四年由偏關縣調任

魯鴻疇

順天宛平縣人太常寺供事道光二十年由

繁峙縣調任 有傳

福倫泰

漢軍正白旗人咸豐二年由嵐縣調任

易繼曾

河南光州商城縣監生咸豐六年由大寧縣

調任

黃家楨

江蘇江甯府上元縣監生成豐十一年由沁

源調任

陶良駿

浙江會稽人道光己酉舉人同治三年由榆

次調任

王珠耀

山東濟甯州監生同治四年由嶧縣調任

郭慶齡

山東武定府利津縣人道光辛卯舉人同治

八年到任

方戊昌

河南杞縣恩貢光緒二年由河津調任

有傳

艾紹濂

山東濟南府濟陽縣人道光甲辰副榜光緒

四年由洪洞調任

署任

金泳

直隸清苑縣吏員

張長春

浙江杭州府仁和縣監生

趙齊方

直隸順天府大興縣監生

張觀

漢軍驤白旗人拔貢生

徐承慶

江蘇蘇州府元和縣舉人

彭良箴

江西南昌府南昌縣監生

羅璿

四川成都府溫江縣監生

李 泉 直隸順天府宛平縣監生

顧麟趾 陝西西安府臨潼縣吏員

沈觀銘 浙江湖州府歸安縣監生

徐文翰 湖北當陽縣附貢

陸敏揚 甘肅寧夏府靈州監生

李 衡 廣西桂林府義寧縣人嘉慶丁卯舉人

唐廷詔 陝西邠州三水縣人嘉慶己卯舉人

賈獻珍 江西瑞州府高安縣貢生

靳廷鈺 直隸正定府靈壽縣人嘉慶丙子舉人

李景椿

雲南臨安府建水縣人道光乙未進士

李景春

陝西同州府朝邑縣人嘉慶丙子舉人

駱光裕

浙江紹興府山陰縣監生

謝紹簡

直隸承德府豐寧縣人嘉慶戊寅舉人

吳瀄鏞

浙江湖州府歸安縣監生

傅猷著

江西南昌府進賢縣人嘉慶己卯舉人

胡傑

安徽甯國府涇縣貢生

秦曾煨

浙江會稽縣監生

徐士允

直隸順天府大興監生

黃宜之 安徽舒城縣附監生 有傳

彭作檀 江西吉安府廬陵縣監生

錢官俊 浙江嘉興府秀水縣拔貢 有傳

趙作霖 安徽寧國府涇縣監生

張輔 直隸順天府大興縣監生

王佶 山東濟南府歷城縣附貢生

楊恩溥 直隸大名府大名縣人咸豐戊午舉人

教諭

楊澐 潞安府長子縣拔貢乾隆三十七年任

王錫文

平定州孟縣舉人乾隆四十七年任

張蘇

太原府榆次縣貢生乾隆五十五年任

續系

代州崞縣舉人乾隆五十八年任

楊得

大同府大同縣舉人嘉慶三年任

李鍾芳

汾州府介休縣舉人嘉慶十六年任

常依肇

解州芮城縣人戊辰副榜道光二年任

李律

平定州人嘉慶丙子舉人

張主褒

霍州趙城縣人辛未進士道光十二年任

亢光軫

代州崞縣人道光乙酉舉人道光十九年任

游孟麟

太原府大谷縣人道光戊子舉人道光二十

七年任

曹汝燮

汾州府汾陽縣廩貢生成豐元年任

宋其漣

汾州府汾陽縣人嘉慶戊寅舉人咸豐元年

任

祁世弁

平定州壽陽縣優貢生成豐十一年任

劉鼎甲

平陽府翼城人道光己酉舉人同治二年任

王汝洛

霍州趙城縣人道光壬辰舉人同治二年任

梁卓午

大同府廣靈縣人咸豐戊午舉人光緒元年

任

典史

楊遇春

浙江紹興府山陰縣監生乾隆二十二年任

許保瓌

江蘇揚州府儀徵縣監生乾隆三十二年任

龔士英

江南常州府金匱縣監生乾隆三十三年任

韓士鳳

浙江紹興府山陰縣監生乾隆三十八年任

姚一楊

廣東嘉應州平遠縣監生乾隆四十一年任

馮應麟

順天府宛平縣吏員乾隆五十年任

范琳

順天府大興縣吏員嘉慶五年任

周 晟 順天府大興縣監生嘉慶十年任

諸 旂 湖南長沙府長沙縣吏員嘉慶十七年任

甯丙曜 湖南常德府武陵縣監生嘉慶十九年任

劉振璧 順天府大興縣監生道光元年任

孫同藹 浙江湖州府歸安縣監生道光十一年任

顧 椿 順天府大興縣監生道光十五年任

高振午 直隸天津府靜海縣監生道光二十八年任

鄭紹芬 順天府大興縣監生成豐五年任

邵秉鑑 福建福州府閩縣監生成豐十年任

牛鎬

順天府大興縣監生同治元年任

曹聯鼎

江蘇江甯府上元縣監生同治五年任

閔念祖

順天府大興縣監生同治十一年任

宦績

傅克欽福建建陽人拔貢生乾隆二十四年到任甫下車卽以培植民風爲先捐俸五百金倡始創建桑泉書院次修樊橋驛文昌祠人文彬彬稱盛皆克欽啟之也

王正茂字竹崖安徽廬江縣進士腹笥淵博宏獎風流於地方興利除弊事宜悉筆之於書依次更張潘西村某某因避差互控屢決屢翻正茂卒能曉以大義調停得法兩造和而息事武生蔡某誣告其兄爲義子正茂再三開導不服上控委員訊之得實問擬充軍瀕行某泣

日悔無及矣正茂憫之然亦無如何也其慈惠多類此
乾隆癸巳修葺學宮多有創建以及八蜡廟南北各壇
一律整葺又於邑之東西南北各鄉畫爲四區名以仁
義禮智使居其地者循名核實駸駸乎臻於上理而不
覺臨晉縣志自前令齊以治有事於此屈指八十餘年
漸就淪沒正茂引爲已任採訪事實秉筆纂輯每條具
有議論其愛民之心惻然流於楮墨間臨人至今稱頌
弗衰

金泳直隸清苑縣吏員明敏善斷署篆臨晉嘉慶九年大

饑人裸衣草食齧齧待哺泳惻然憫之仿呂東表之例
開常平倉得粟若干石又勸紳民量力輸助各處設粥
全活甚衆呂東表者邑前令也乾隆十三年值旱東表
開倉賑濟民藉以生舊志有傳茲不復錄

崔偲直隸霸州人嘉慶戊辰進士任永和縣多惠政以報最
調臨晉善政如宰永和時道光二年五月小旱偲設壇
禱雨立沛甘霖心感之首先修龍王廟次修關帝廟廟
旁之官池開之使濶濬之使深周圍砌以磚使城內之
水有所歸宿每逢大雨時行不至貽居民患其興修廢

陞有裨於民類如此

廉九經字一亭奉天廣寧人嘉慶庚戌舉人道光四年由
夏縣調宰臨晉有材幹發伏摘隱能使案無遁情張留
村差役嚇詐訐至數百人九經聞之夜四鼓單騎滅從
直入其村人皆驚曰太爺來矣各棄挺而走九經至嚴
治差役責起意者數人事遂息修書院建考棚設立膏
火皆善政也

靳廷鈺字謙谷直隸人丙子舉人署豕臨晉性儉樸耐勞
苦力能挽兩石弓道塗往來一主一僕而已嚴治棍徒

盜賊屏跡遇相驗事隨帶書役數人令事主各給蒸饌二枚餘無所擾案到立結闔境晏然臨人至今懷之

魯鴻疇字稼軒大興人儀表魁梧善理詞訟禁止宰殺耕牛咸豐初文廟傾圯鴻疇憫之大加修葺若創建然又捐清俸倡始以爲拾字紙經費

黃宜之字義門安徽人同治二年到任甫下車卽問南門何以開而復塞衆莫知其故相傳有利民不利官之說宜之曰官民一體豈有利於民而不利於官者乎且官以牧民卽不利焉苟利於民吾亦爲之周視城垣坍塌

幾不能容足慨然有事於修葺鳩工它材甄堞巍然具
堞詳上司開南門之復塞者順民情形家之言弗計也
宜之性急率真事不便於民者恨不立刻除之遇棍徒
擾害審實立斃杖下臨民以愛民如子疾惡如仇頌之
錢官俊字愛廬浙江人己酉拔貢生工書精金石之學同
治七年署篆臨晉捐廉加增書院膏火修縣北水路親
身勘驗齊家庄有碑記

方戊昌字季方河南杞縣恩貢生以清勤著日坐堂皇自
晨至午無倦容光緒三年歲大祲餓殍遍野開倉散給

各鄉米糧親詣查看日無暇晷又令家丁領役二名分
路掩骼奉上檄勸捐委員某謂需甚急非勒捐不可戊
昌笑而不應然亦卒無廢事時盜賊蠡起捕治無少懈
永濟過村與臨界緊鄰盜藪也盤踞深固能吏亦無如
何戊昌偵知之一夕密率幹役鄉勇數十名直入其巢
斃一賊連拘六賊悉治以法一境肅然踰年荒未脫設
平糶局分布四鄉賴以全活無算俄而調補陽曲民大
恐如嬰兒之懼失其母也公同繕牒仿前人借寇之意
呈請大憲以賑務完竣爲期大憲俯如所請民心大快

尋由陽曲升忻州刺史

選舉

進士

薛天相

乾隆庚戌任四川儀渠縣知縣嘉慶戊午庚

申辛酉四川鄉試同考官

王雲程

乾隆乙未任四川重慶府巴縣知縣

韓因培

嘉慶壬戌歷任河南睢州知州遂平太康江

西興國雲南永善等縣知縣

王洪誥

嘉慶戊辰任平陽府教授

謝丕績

嘉慶甲戌原任湖北枝江縣調江西吉水縣

知縣

姚銘鼎

道光庚子龍門縣知縣

吉長清

咸豐己未翰林院檢討

姚東濟

咸豐庚申進士刑部浙江司員外郎

舉人

呂依周

乾隆己亥

王萬年

乾隆己亥

薛天相

乾隆己酉
見進士

樊尙淳

乾隆己酉

范宗嶠

乾隆壬子
順天舉人

王曦

乾隆辛酉

王雲程

乾隆庚寅
見進士

尙纓錫

嘉慶甲子

王依埈

嘉慶丁卯

韓因培

嘉慶戊午
見進士

王洪誥

見進士

李森

嘉慶癸酉

謝丕績

見進士

荆炫

嘉慶癸酉
欽
賜舉人丁丑太挑
一等湖北
試用知縣

張佩芝

嘉慶戊寅懷
仁縣教諭

咎震甲

嘉慶戊寅潞安府
訓導苛嵐州學正

樊其良

嘉慶己卯

右玉縣
教諭

王常泰

道光辛巳翼
城縣教諭

王庭蘭

道光丁酉五臺訓
導陞平陽府教授

呂相律

道光己亥右
玉縣教諭

咎維清

道光甲辰

王康濟

道光丙午順天舉
人廣西賀縣知縣

姚東濟

道光丙午
見進士

權荔浦篆
兼暑修仁

薛星燦

道光己酉

姚銘鼎

道光乙未
見進士

姚亮采

咸豐辛亥

吉長清

咸豐壬子
見進士

范得鯤

咸豐壬子

王鳴皋

咸豐壬子

李傳典

咸豐乙卯平遙
縣教諭

薛立道

咸豐乙卯陽
曲縣教諭

王化光

咸豐辛酉

韓新濟

同治甲子

許上林

光緒丙子

張廷璧

光緒丙子

荆秉哲

光緒己卯

副貢

王喬棣

朱萬載

姚亮采

道光丙午

張孝友

道光己酉

謝飛熊

同治庚午
賜 欽

王煥林

同治癸酉

拔貢

李士瑾

乾隆乙酉介
休縣教諭

王萬載

乾隆丁酉

李達翔

乾隆己酉

張曰珠

嘉慶辛酉

荆 蔚

嘉慶癸酉補
臨縣教諭

韓寅范

道光乙酉刑
部員外郎

李修文

道光乙酉府學
拔貢刑部郎中

姚東濟

道光丁酉見
舉人

呂生律

道光己酉紫
陽縣知縣

焦入聽

咸豐辛酉

李傳堯

同治癸酉

許上林

同治癸酉府學
拔貢見舉人

優貢

范宗嶠

乾隆丙午考取鑲黃旗教習見舉人

恩歲貢

孫如琬

歲貢

荆麟兆

歲貢

王克秩

歲貢

衛安

歲貢

王霖

歲貢

郭靖

歲貢

樊遇春

歲貢

楊叶箎

歲貢

田雲卿

歲貢

宋佩芳

歲貢

賈維章

歲貢

薛正人

恩貢

籍學周 歲貢

姚重熙 歲貢

段金堤 歲貢

王雍 歲貢

賈育英 歲貢

楊立 歲貢

薛希聖 歲貢

崔岷 歲貢

王之坪 歲貢

王璧卿 歲貢

薛崇禮 歲貢

王萬程 歲貢

暢培牲 歲貢

姚復旦 歲貢

謝肅 歲貢

段鳳詔 歲貢

荆瑞 歲貢

謝鍾蘭 歲貢

樊作賓

歲貢

張晉陞

歲貢

文俊升

歲貢

樊荃

歲貢

姚之奇

歲貢

胡聯桂

嘉慶丙寅歲貢

王凝道

嘉慶庚戌歲貢

荆汝霖

嘉慶壬戌歲貢

李步斗

道光壬午恩貢沁水縣教諭

楊春第

道光甲午歲貢

張培蘭

道光丙午歲貢

李修岱

道光己酉歲貢

李興讓

咸豐辛亥歲貢

李修道

咸豐壬子恩貢

咎丹鳳

咸豐丙辰歲貢

姚昌域

咸豐戊午歲貢

王作哲

咸豐辛酉歲貢

王昌焰

同治乙丑歲貢

王作楫

同治乙丑歲貢

姚迪清

同治壬戌府學歲貢

荆邦懷

同治壬戌歲貢

王清晏

同治丙寅歲貢

王道清

同治丙寅恩貢

常玉瓚

同治己巳歲貢

荆山玉

同治戊辰歲貢

楊逢春

同治壬申府學歲貢

范得鰲

同治壬申府學恩貢

楊培清

同治壬申歲貢

薛士琨

同治壬申恩貢

杜若洲

同治甲戌歲貢
就職訓導

朱佩珩

同治甲戌恩貢

賈自新

光緒戊寅恩貢

謝培英

光緒丙子歲貢

姚復瀄

光緒戊寅歲貢

張乘槎

光緒己卯歲貢

武舉

姚汝梅

乾隆辛酉

楊全德

乾隆丁卯

王華廷

乾隆戊辰

暢甦英

乾隆辛巳

楊及第

乾隆己亥

暢廷蘭

乾隆丙午

張光泰

道光戊子

吳占元

道光甲辰

薛星煥

道光甲辰

武兆基

道光己酉

翟樹華

咸豐辛亥

樊立道

咸豐辛亥

黃三會

咸豐辛亥

樊忠道

咸豐乙卯

暢仁靜

咸豐丙辰

毋長泰

咸豐戊午

王之聘

咸豐丙辰

閻雪鼻

咸豐己未候
銓守備

王原和

道光丙申

樊守道

光緒丙子

張炎昌

光緒丙子

薛自強

光緒丙子

張功亮

光緒己卯

王智勇

光緒己卯

貢監官職

荆萬玉

監生補江西上猶
少尉陞定南分司

趙士綉

附貢平陽府教授

李修德

諭廩貢生岢嵐州教

李夢荷

附貢沁水教諭陝
西藍田知縣

薛榮椿

諭廩貢生文水縣教

李傳訓

教諭廩貢生五臺縣

孟繼虞

典史監生湖南辰溪縣

選舉

續上

軍功

謝麟

雲南總鎮

閻文忠

記名總兵
敢勇巴圖魯

宋飛鵬

候補守備

封蔭

薛承烈

以子天相貴

誥封文林郎

薛萬麟

以子立道貴

誥封奉直大夫

韓東序

以孫因培貴

贈文林郎

韓萬川

以孫寅范貴

贈朝議大夫

韓因培

以子寅范貴

誥封朝議大夫

姚福延

以孫東濟貴

贈朝議大夫刑部員外郎孫

姚會麟

以子東銘貴

贈奉政大夫鹽提舉銜郭氏

姚追麟

以子東濟貴

誥贈朝議大夫

晉贈中憲

大夫刑部員外郎符氏

誥贈太恭人

姚應麟

以姪東濟貴
氏暢氏俱

贈封太宜人
贈贈奉政大夫刑部員外郎李

姚東銘

監提舉銜
贈封中憲大夫

刑部員外郎暢氏
以弟東濟貴

贈封宜人

贈贈恭人

閻璣

以曾孫文忠貴

誥贈振威將軍

閻士行

以孫文忠貴

誥贈振威將軍

閻守洽

以子文忠貴

誥贈振威將軍

李毓坤

以子傳典貴

贈封文林郎許氏

贈封

李毓咸

以子傳訓貴

贈贈修職郎丁氏

贈封

薛秉忠

以子榮椿貴
贈封孺人

贈封修職郎黃氏楊氏

例蔭

李大成

以子李經貴

贈贈登仕佐郎王氏

贈贈

李孝經

以孫守恒貴

贈贈翰林郎以曾孫庚魁貴

李鶴飛

以孫庚魁貴

贈贈通奉大夫胡氏賈氏盧氏

李鶴翔

以子守恒貴

贈贈通奉大夫吳氏賈氏俱

李守謙

以孫凝琨貴

贈贈奉政大夫楊氏

贈贈

李子興

以子庚魁貴

贈贈通奉大夫胡氏

贈贈

李紹貞

以子凝琨貴

贈贈奉政大夫賈氏

贈贈

臨晉縣志

卷八

人物

荆道乾號南溪幼聰慧見義勇爲莊毅有守乾隆己卯舉人丙戌大挑一等分發湖南署麻陽縣民多駕船爲業值苗匪不靖將軍某奉 旨往勦派役八百名民苦之乾以邑民爲各縣供水差請減四百名民困稍蘇去任麻人感而送者數千署東安縣舊有書院旁立朱子祠俱經廢圯重修之名邑之俊秀者優其膏火課其誦讀彬彬然有絃歌之風衡州以南向食粵鹽東邑爲粵鹽入楚首境商至必有餽送乾曰我得其利彼重其售非

所以便商民也却之不受有苗民石老宋負隅爲惡肆行侵掠親率幹役數十擒之而一方之害除旋以憂去服闋補龍山縣邑屬苗疆民之供役於官者不勝其擾下車卽裁去之月餘調署靖州歲大稔開倉賑濟外勸富民設粥廠立平糶又以其不給也請上憲於長安營兵米截留五百石以賑之全活甚衆卓異陞甘肅甯夏同知比入 覲劉文清公壩遇之闕門謂同僚曰此鄂省第一清官也公卿傾聽傳爲美談及到任適石峰堡逆猺滋事調辦軍需毫無遺誤制府勒某嘉其廉能極

力保舉擢池州知府正己卒屬以洗陋規時朱文正公
珪爲中丞有知人鑑以其誠篤尤深器之前後署蕪湖
道者六而兩袖清風彌深惕厲調安慶府江西有巨案
數年不決奉制府奏派往辦研審明允衆寃得雪嘉慶
元年授山東登萊青道地屬海疆常患水寇到任卽嚴
密巡防海岸清肅累遷至江西布政使 陞見上嘉其
節儉養廉輕徭愛民謂有古大臣風向來各省驛站夫
馬工料由各州縣解交藩庫輾轉支領殊屬不便奏請
在地丁項下開除報銷以省往返 上可其奏卽令通

行四年巡撫安徽察吏安民寬嚴相濟凡所舉保皆得其人時上江連年稔荒乾奏撫卹之宜並清理州縣積欠及善後事務二年之間凡數十奏無不蒙 天語褒獎勞心過度浸致成疾卽專摺奏請解任 上命卽在江省就近調理於七年三月三日終於皖城公寓壽七十有二 賜祭一壇祭文一道咸豐五年詔入晉省三立閣

王雲程力行好學工辭藻爲文多膾炙人口乾隆庚寅舉人乙未進士授四川重慶府巴縣知縣清案牘省刑罰

釋滯獄首先以培養人才爲己任蓋其文心氣和平吐
囑風雅故見於事業多卓卓可觀臨人至今猶相傳有
經天緯地薛天相錦心繡口王雲程之謠其爲士林所
推挹如此薛天相另有傳

薛天相字吉人純謹嗜學乾隆戊申己酉聯捷進士任四
川儀隴縣事白蓮教騷擾楚蜀閭閻困憊勢屬難支天
相到任招集流亡曉譬人倫情恕理遣馴服跳梁境內
肅然後調渠縣署直隸撫民理番同知專以培養人才
爲務三校鄉試士皆知名以故邑有薛青天夫子之稱

解組旋里兩袖清風門闌蕭索家徒四壁而已

韓因培字篤天績學有聲嘉慶戊午舉人壬戌進士選江西興國縣知縣又選雲南永善知縣均因事未去後任河南遂平太康知縣公正廉明政平訟理邑有韓八堂之稱言其勤也旋調睢州知州歷官十五載隨處均有政聲壬午河南鄉試同考官所得皆知名士初失歡於繼母因培奉事惟謹曲體親心及中鄉榜母顏稍和繼提南宮母心大慰融融洩洩愛視所生在任女勤織紡如在家時衣服器具不尚華贍每晨黎明卽起獨坐齋

中年七十餘尙如此

謝丕績學問優長儀容莊重嘉慶甲戌進士授湖北枝江縣知縣發伏摘隱剖決如流邑人有謝青天之稱尋調江西吉水縣知縣政給如在枝江時丕績善說辭每遇兩造互訐刺刺不休丕績揆情度理以俗言解之無不歡然而退其政簡刑清率由於此

王洪誥嘉慶戊辰進士爲人謹慎好讀書無宦情出爲平陽教授到任後諸生見者寥寥而書斗以贄儀呈者倍之間其故云向來但送贄敬多不親見因慨然曰斯文

中乃有此市道交哉吾讀書數十年豈爲此區區贊儀
而來歟卽諭諸生齊集齋房必問其所讀何書所習何
業約諸生以三八日課又擇其俊秀及無力從師者令
習學於兩齋日與諸生講論經傳嘗云宋五子書乃由
鄒魯之大路薛文清讀書錄乃濂洛之嫡派爾諸生宜
熟讀力行毋徒矜矜於舉業致終身爲門外漢也優游
絃誦如是者十餘年卸職後生徒往來不絕於家

李修文字藝圃道光乙酉拔貢於帖括外殫心博古賞鑑
精確筮仕爲兵部郎中甫莅任卽留心公務無敢少有

遺失時承平無事桴鼓不聞駕曹事務亦清減修文於
退食之暇益得肆力於考據凡昔人吉光羽片悉爲珍
藏唐宋元明諸遺蹟真贋攸分考辨亦頗詳細又善刻
圖章蟲跡鳥篆鐵筆仿之無不畢肖在都黽勉供職不
下二十餘年同鄉韓比部初至京師舍館未定遇惡疾
而亡修文經理其喪事妥帖周至其家至今尤爲感激
韓寅范字仰文乙酉拔貢幼喜讀弱不勝衣於書無所不
覽覽過輒不忘道光甲申考試選拔出場後質其文於
趙侶曦先生先生善衡文決其必售果然甲午乙未等

科士子懷挾文字相率效尤寅范考具食物外不帶片
紙隻字二場經題同號生多不記上下文寅范背讀了
了間有記及小註者士人無不咋舌父因培官遂平寅
范省親單車往來見者幾不知其爲貴公子也後官至
刑部員外郎

張佩芝戊寅舉人大挑二等設帳家塾從學者日衆塾不
能容移古寺居之黎明卽起几設一籤筒投諸生名於
其中抽籤背讀講究弗輟邑某富不好禮一日投刺塾
中方與諸生晤佩之適至不與言揮諸門外其峻厲多

類此旋授懷仁縣教諭懷仁士習過於質樸佩之循循
善誘習進退應對之禮漸致彬彬儒雅皆佩芝啓之

王庭蘭字瑞階品端行方學養深純道光丁酉舉人少失
怙從胞兄庭槐讀事兄如父師兄嚴立課程頻加督責
雖極苦楚未嘗懷怨心署鳳臺縣教諭旋任五臺縣訓
導卓陞平陽府教授明倫講學疊疊不倦縣署中非公
不至儒林重之

博采人物名宦居多其處士恂儒頗不易得而臨人
所藉藉相傳者莫如他山先生舊志已錄其名序之

未詳茲采虞鄉志特爲詳記之

王桂字子山臨晉人世居貫底村性喜山居後移家於虞鄉塔兒原時人稱爲塔兒王師又稱他山先生家貧不能購書常借書以供讀年十七以父僑居南陽往省之鄧州彭海客太史見桂奇之延置家塾執弟子禮焉彭氏爲鄧世家藏書滿樓桂因得肆力搜討每閱一部輒爲整葺標籤居三年彭氏書讀且盡鄧州尹牧聞其名延至署與語大悅恨相見之晚凡兵刑錢穀問之無不洞中機宜適試期臨適尹爲謀入鄧藉而鄧士忌其能

有冒籍之議桂知之謝尹而去海客益重其品復延之家尹亦遣子燦就學時鄧司馬顧惇能相人一見桂曰古人也但數竒耳然古人所以名稱歿世者豈藉科第哉桂默然自是益務潛修留心經世之學遂絕意進取年五十卜居於塔兒原種竹植松教授生徒先是平陽曹以成慷慨好義訪桂穰城留讀歲餘去後數年桂訪之平陽以成已歿哭之痛復爲鐫石植樹以表其墓居塔兒原優游物外者二十餘年卒年七十九著書數十卷多未及刊而葵書鈔本爲尤著曾文正公會爲之序

忠烈

王康濟列傳

王康濟字悔餘稟性剛直尤喜慷慨任事道光丙午舉人咸豐癸丑以知縣揀發廣西權荔浦篆甫下車未及部署城被賊陷濟遂督團克復重署荔浦丙辰賊陷修仁濟又督團復之於是兼署修仁縣事其後斬永安賊解恭城圍復富川城並隨大軍克定平樂府身經數十戰幾瀕於死八年二月劇賊陳金剛等逼賀縣上憲以濟聲威素著委署是缺五月賊犯賀境大吏委濟在境督

勦七月賊困賀城濟遂激厲軍民嬰城固守是時外無
援兵內無積穀惟以忠義相勉人仆復起城破復完相
持凡七十日而城陷焉濟以身殉大吏以聞

恩予褒贈并許世襲准於死事地方建立專祠長子棫美
河南縣丞襲雲騎尉世職次繼美三榕美計濟卒年距
濟生年春秋五十有四惜哉

荆中璞中璜兄弟合傳

荆中璞賦性剛毅有膽略弟中璜亦生而果敢好武因家貧無資同服賈於西域葉爾羌城中道光六年逆賊張格爾騷擾境界倉猝之際請兵難至募勇不急因設商民團官紳見璞璜軀幹甚偉知非凡材遂命各作團長璞璜亦慷慨不辭製造戰攻器械率領數百人晝夜登陴巡城固守相持數十日援兵莫至逆勢日熾周圍蜂起城被賊陷璞卽領衆當先迎賊打仗忽遇跌賊遂殺之璜曰兄死矣我何生遂爭先擊賊賊又殺之嗟嗟世

之學士縉紳爭爭當世者猶多貪生懼死趨避而不敢
前而不謂貿易中竟有此奇男子也其見危授命不誠
萃忠烈於一門哉事定後咨部議卹入昭忠祠本鄉勅
建專祠顏其額曰忠貞永昭忠烈常存

孝義

王永奇有孝行年甫八歲其父貿易西口外十餘年無音
耗亦不知所在永奇年十九誓將遠尋母弗能止臨行
殺鷄祝告於神遂單身赴西口外未十日父子相遇於
塗旁觀異之以爲有神助焉父歿母得癱症多方調護
日夜侍床前起居飲食必躬親之不令妻子旁貸衣不
解帶八年有餘鄉里推服舉鄉飲耆賓

乾隆時西任上村人

張懷庚樊家營人幼喪父事母以孝聞母亡廬於墓側不
飲酒不茹葷哀毀骨立幾至滅性光緒歲大饑道殣相

望遍施棺材嗣以力不能給每遇尸骸輒出百錢覓人

掩埋又親率其子收瘞白骨無數云

樊家營

李文炳生有至性家甚貧父衰老嗇於食非甘旨不飽文炳爲訓蒙師得金悉以供父膳光緒五年歲大禡計無所施乃爲人傭妻子俱餓死其父未嘗不飽繼而其父病欲食鷄卵百計不得村有古樹偶過其下見上有鵲巢數十羣鴉環繞而鳴緣木探之得卵百餘枚懷歸供父卵盡而其父始歿

王申村

林多敏性至孝其母病痺手足不仁艱於行動多敏爲造

小車出則挽之母齒落嗜瓜每年種瓜數畝比熟輦母至瓜田切瓜以慰之奉養十餘年族黨稱孝

富勤莊人

王安世業農爲人謹厚有至性父歿安世痛母孀居晝夜侍母側不歸私室者數十年六旬後兒孫滿堂猶瞻依

膝下若孺子然

福壽屯

荆繼昌性至孝幼業儒事親色養備至不遺餘力母年九十餘親接糞溺不假家人手動作起居加意持扶親終居喪三年不飲酒不茹葷不聽樂悉遵古禮里人目爲

孝子

泉兒杜村

生員鍾士林事父至孝父有夙疾卧床第間凡所需必親
爲營辦夜不解帶者數年一日有事出外其妻李氏代
取溺器掩鼻作避臭狀林歸見而奪之欲出其妻父止
之未果由是終身不入妻室鄉人至今稱道不衰

皮氏村人

監生吳恒仁事繼母甚孝繼母憎恒分出之恒號泣不忍
去晨昏定省久而益恭其母亦悔而憐之論者比之薛
包故嘖嘖稱之

上賓氏人

楊居仁性至孝失怙後事母王氏愉色婉容能得歡心母
年六十有六得癱症晝夜侍俸衣不解帶者九年弟居

儉買易於外回家憫其勞瘁請以身代堅辭不允鄉人到今稱之

嘉慶時城西村人

貢生李正官字建伯工詩賦題詠甚多事父母以孝聞母早亡繼母遇之甚嚴正官下氣怡色愈加敬謹繼母末年卧病於床親嘗湯藥手滌溺器數年無倦容鄉黨宗族至今稱之

過樊

荆芸服賈爲生而友于之情甚篤有堂兄流落不偶芸迎之已家奉養無異同母兄歿殯葬成禮又有堂嫂孤寡無依芸亦養之以終厚衣衾棺木而葬焉鄉里賢之

樊橋

村人

孟興亮家甚貧不出外貿易恐遠離母也日爲人傭有餘
貲卽爲母備鷄豚買時菓又善治庖有用者不受值但
歸必遺蒸豚於其母辛苦數十年而一貧如洗晏如也
母壽九十三而終亮亦年逾古稀

王溶湛性篤謹事母以孝聞母病靡親侍羹湯衣不解帶
者十餘歲母歿設遺像於堂中出告反面常如親在時
鄉人以純孝稱之

大庄頭人

樊登高家無宿糧貿易於秦歲獲數百金嗣因父老母病

辭歸養親不離左右凡親所需必親自檢點不假妻妾手十餘年如一日

考早村人

李棲鵬之母李氏雙目失明鵬憂之據醫家云須金針撥之母懼疼不從鵬聞舌銛能愈時貿易嵎陽鎮距家五里每夜回家舌銛母目以百爲度咽而不吐次早赴舖如是者期年母目復明人稱爲舌頭孝子焉

嘉慶時鹿皮窰人

荆鍾靈性至孝自幼從祖母宿五歲偶從母歸寧比夜半泣曰誰與祖母煖被搔癢者母誑以明日卽歸泣不止母不得已携歸至家卽上床煖被搔癢問今日飲食幾

何若成人然七歲從父增生奎岳陽縣讀書每飯輒念
祖母飲食憂慮成疾歸卽愈父竒其孝使留家奉養先
意承志甚得祖母歡事父母以孝聞年五十餘循謹無
比

水頭村人

楊生蓮自幼失恃繼母不慈父責之卽跪請曰宜責我母
實無過允而後起繼母前無一言念及生母或問思生
母否曰此卽我生母也與小兒戲嬉輒誘從生母墳前
繞過悲號不已久之繼母亦感而慈焉

水頭村人

劉登瀛少讀書壯習陰陽學訓術以兄弟俱亡恐傷母心

舍業侍左右朝夕不離者十有餘年

潘西村人

王友德十四失怙家貧事母孝母所欲食者必曲爲致之

待弟友愛亦甚篤

郭卓村人

張盛隆目不識丁性孝順母病癰瘕飲食待哺隆左右奉

養十餘年無憚煩勞鄉人傳爲美談

張吳村人

趙志哲性孝友以家貧廢讀謂妻荆氏曰我農家不能榮

親未始不能養親每飯必市酒肉以供母稍不足妻以

紡績之餘佐之親歿哀毀骨立鄉里賢之

密村人

陳所思家貧鬻炭晚於路左遇驟一頭載金帛卽持火覓

得其主則蒲城樊域也時沈醉卧地負歸待醒盡還所
有孟軍門勦賊時有諸生姚啓英冠英被賊誣陷將就
戮所思仗義力保代爲剖白至受刑不變軍門爲釋二
生而坐誣者

樊哲村

李極性正直孝友克敦創修族譜建立祖祠曾借本村王
某銀十兩已還而王某亡其子不知也問之極不與辨
曰俟數日便還未幾王某妻忽作鬼語責其弟曰李極
還銀汝使五兩何不明告我子家人問所餘曰在某處
藍布包內取之應手而得人共驚異一日自城歸拾雲

肩一具望有騎驢少婦前行呼之不應追至其家問明
交代不留姓名里黨重之壽七十三歲而卒

樊家卓村人

姚追麟性醇篤母失明事之惟謹稍拂母意常跪請其故
母不言終不起必言笑如恒方已母年八十偶違和親
侍湯藥泪涔涔已滿襟上矣伯兄季弟早亡季無出以
已之子與之伯遺一子尙在襁褓撫之如已出數十年
人莫辨其爲猶子嫂及弟妻年少守節曲意成全家門
之內雍雍如也運城契友二人爲子聯姻統計非百金

不可追麟慨然以身任之與人共事稍涉轆轤舍千金弗恤也嘗謂人曰凡事學喫虧便了已可想見其大概矣北關

范維新勤耕苦讀數奇不遇族人某牽其牛而售於市鄰里代爲不平公弗校也有酗酒於巷者用石撞門幾壞新讀書不輟神色自若其豁達大度尤爲人所難能考
早村

陳步月嘉慶九年歲大祲爲兒覓乳母適有王姓婦家貧願棄其子振江以養兒月曰因我子而棄所生忍乎偕

歸兩兒並養之稍長教養無異已子鄉里至今稱之

胡

家卓

監生張建烈少失怙事伯母生母至孝奉孀嫂甚恭後貿
易岐山母病令人召之路經七百餘里不三日到家朝
夕侍養不離膝下者歲餘嘉慶年間值太歲散糧二十
餘石道光丙午又饑在岐散錢二百餘串全活無算前
後焚債券三千餘金四鄉稱爲張善人

城西村

李興讓字清廉歲貢生幼以孝聞好讀書善講說能開人
胃臆事之有裨學校者慷慨自任不辭其勞道光十六

年因本縣廩額過少諸生屢列優等不能食餼與讓邀
集同人呈請學使批駁未准耿耿於心者二十餘年咸
豐初又命其子毓坤聯名呈請大憲批准入奏增加
廩增各五名恩歲貢各一名此皆興讓力也年八十歲
卒

樊家卓

薛景康品行端卓慷慨好施而於喪葬之事尤加意賑恤
遇歲饑平價以糶又出粟十餘石散給鄉鄰里人記籍
以繳康曰何用券爲舉火焚之卒年八十歲

教場庄

監生吉周道性孝友篤任恤每於歲歉設法賑濟凡孤兒

寡婦尤多所矜全焉約計五十餘年鄉里賴以生活者
不知凡幾其子召福仗義疎財饒有父風里人欽之

坑

東村人

王元泰性慷慨家貧賈於新疆廸化州曲沃張本貫販布
有積蓄娶於廸生子女泰以其錢作本歲取贏焉張尋
歿遺孀妻幼女稚男別無生計衣食日用泰供給之女
爲相攸男令入塾比長各爲嫁娶廸人重之胞姪鳴皋
家貧無力供讀泰爲延師歲需數十金不吝及鳴皋登
賢書泰卒喪葬所需鳴皋任之

平宜

孝義

續上

八十五

生員黃向離品格端方嘗出粟施賑全活村人甚夥又建修大佛寺設義學培養人才至今文風丕振生之力居

多年八十一歲卒

南暢村

李庚魁治家勤儉尤喜施予陝省回紇滋擾解囊充餉累輸數千金爲一邑倡石佛鎮髮逆不靖出貲築塞生活者數百人鎮人頌曰有脚陽春遇歉歲出粟賑貸鄉里

德之

景家卓

趙起鴻七歲而孤事母孝家屢空賈於秦有兄二皆早世各遺一孀一孤鴻撫卹周至門內翕然六世猶同爨焉

同治丁卯歲饑出粟貸貧盡取債券焚之

義堂

李永受好善樂施每歲仲秋散種籽歲終周卹貧乏施給衣食如是者數十年初艱於嗣繼則蘭桂滿堂論者以爲好善之報

宋家庄

王崇高樂善好施買地基建祠堂皆一身獨任之咸豐中有友人子借其賒旗鎮市房養病崇高許之未幾賊匪竄入裹脇而去崇高聞知寢食俱廢遣人一路打探設法入賊營贖歸生員某其故父曾在祥盛號司事祥盛者崇高生意字號也咸豐七年某援例得知縣分發雲

南臨行無資崇高慨然以貳百金助之其長厚類如此
南大陳

朱方茂方盛素以孝義稱初緣家貧分居旣而悔悟復行
合爨念本族家祠春秋無以供祭集族醵粟數石與族
人協心共濟有餘卽置義田今增至七十餘畝

監生費大靜性喜施予家道豐裕親族閭黨求助者無不
給嘗因公項有失出私財二百兩有奇以了其事鄉人
感戴之

西將軍屯

庠生張映斗倜儻好施與嘗赴蒲郡應歲試詣文廟見殿

庶傾圯肅然動心慨出囊錢百緡以資修葺黃太守竇
廣文奇之旌以慷慨樂施每族黨婚葬無力靡不出資
以助值年荒散粟錢賑濟所活甚夥

程范屯

監生毋多愷性孝友少時家貧析居其伯叔皆遷居定邊
母嘗泣謂曰毋氏一門惟子而已毋更棄先人墳墓也
愷時以爲念比長服賈不數年家漸裕親往邊搬其伯
叔喪并勸其諸兄弟同歸復與合爨家務一聽兄約束
焉

西齊王

生員張健有學行安貧樂命不事生業家徒壁立及爲村

中倡立義學盡以其房捐入公中其平居礪志詩有願
學孤竹傍首陽之句清修苦節蓋足多焉

張留

張福榮修造橋梁惠通商旅因改永樂屯爲橋上人感其

德勒碑誌之

永樂屯

鄉飲胡衍緒性孝友喜施與每遇歲終有貧乏者罄囊助
之爲子姪延師家塾凡村中子弟無力供讀者皆許附
學不索一錢如是者數十年

席家窰

薛鳳翰性直而厚族某領數千金貿易虧折無餘償以產

後某死無嗣翰以原產歸某近門俾奉祀焉

耽子

李可柱見義勇爲千金弗吝家口繁多勢難同爨無奈於
田疇屋宇自取其劣讓姪以優有薛包風光緒戊寅歲
大饑閩部堂賑濟河東柱遣子鈞受命赴豫購官糧
萬餘石復出已資購粟千石減價平糶部堂予資斧數
百金悉却弗受事歲後部堂會 曾爵撫 題奏蒙

恩予勇敢救災誠信孚衆八字

景家卓

生員張秉謙家素封性篤謹光緒三年歲大祲謙出資平

糶村中每月按人散糧又築官牆以工代賑而鄰村之

嗷嗷待食者盈門日幾千數

內和南營

附耆壽

暢景崑靳家庄人性醇謹行端方年八十九歲步履如壯
者然孫曾繞膝五世同堂洵屬家庭樂事嘉慶十五年
前撫 題奏蒙 恩給予熙朝壽耆匾額並 賞給綬
正銀兩准其自行建坊

暢恒升景崑子有父風事父母以孝聞膝下兒孫約數十
口恒升教之有方一無間言年八十四歲依然五世同
堂

暢聯奎恒升子恪守家規與人無競年七十八歲已親見

四世矣

楊建樞字宜山樊橋站人賦性篤厚年八十有八曾孫繞膝五世同堂計口百人皆肅雍有家法前令熊耳源書耆德齊家匾額以誌之

王惟和素以孝友稱乾隆間

上幸五臺召問耆老

恩賜八品頂戴

郭卓

尙遴孝友性成設館授徒成就甚多好施與屢周人急村有路曲而狹車行甚艱遴捐基擴之人稱便焉卒年八

十有二

孫遠

生員趙春發少失怙性至孝家貧好讀曲盡孝道母性嚴
稍有失長跪請罪母色愉然後起母歿哀毀骨立幾至
滅性年八十二無疾而卒

崔村

生員宋毓椿品端學優同治元年陝西軍興公舉生團總
防守河干七年勤勞生平手不釋卷鄉試屢薦不售年

七十四歲卒

姚庄

